



Broj: 05-02-1-2095/17
Sarajevo, 27.9.2017. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 29.09.2017			
Organizaciona jedinica	Kupatni redni broj	Prijava broj	Broj priloga
0/04-02-1	2338	1	1

PARLAMENTARNA SKUPŠTINA BiH
- Zastupnički dom -
- Dom naroda -

SARAJEVO

PREDMET: Prijedlog zakona o dopunama Zakona o plaćama i drugim naknadama u sudskim i tužiteljskim institucijama na razini BiH

Vijeće ministara Bosne i Hercegovine, na 111. sjednici održanoj 24.8.2017. godine, utvrdilo je Prijedlog zakona o dopunama Zakona o plaćama i drugim naknadama u sudskim i tužiteljskim institucijama u Bosni i Hercegovini, te zaključilo da se isti uputi Parlamentarnoj skupštini Bosne i Hercegovine uz prijedlog da se razmatra po temeljnom zakonodavnom postupku.

U svezi s navedenim, u privitku dostavljamo Prijedlog zakona o dopunama Zakona o plaćama i drugim naknadama u sudskim i tužiteljskim institucijama u Bosni i Hercegovini, na bosanskom, hrvatskom i srpskom jeziku. Istodobno dostavljamo Pregled odredbi Zakona koje se mijenjaju i dopunjavaju, neslužbenu verziju prečišćenog teksta zakona, pribavljena mišljenja nadležnih institucija, kao i elektronsku verziju Prijedloga zakona.

S poštovanjem,

GENERALNI TAJNIK
Zvonimir Kuleša

BOSNA I HERCEGOVINA
VIJEĆE MINISTARA --

PRIJEDLOG

ZAKON
O DOPUNAMA ZAKONA O PLAĆAMA I DRUGIM NAKNADAMA U
SUDBENIM I TUŽITELJSKIM INSTITUCIJAMA NA RAZINI BOSNE I
HERCEGOVINE

Sarajevo, rujan 2017. godine

Na temelju članka IV 4. a) Ustava Bosne i Hercegovine, Parlamentarna skupština Bosne i Hercegovine na sjednici Zastupničkog doma, održanoj _____ 2017. godine, i na sjednici Doma naroda, održanoj _____ 2017. godine, usvojila je

**ZAKON
O DOPUNAMA ZAKONA O PLAĆAMA I DRUGIM NAKNADAMA U
SUDBENIM I TUŽITELJSKIM INSTITUCIJAMA NA RAZINI BOSNE I
HERCEGOVINE**

Članak 1.

U Zakonu o plaćama i drugim naknadama u sudbenim i tužiteljskim institucijama na razini Bosne i Hercegovine ("Službeni glasnik BiH", br. 90/05 i 32/07), iza članka 16. dodaje se novi članak 16a. koji glasi:

„Članak 16a.

Troškovi smještaja i naknada za odvojeni život

1. Suci i tužitelji imaju pravo na troškove smještaja i naknadu za odvojeni život sukladno podzakonskom aktu koji donosi Vijeće ministara Bosne i Hercegovine, shodno odredbama Zakona o plaćama i naknadama u institucijama Bosne i Hercegovine
2. Predsjednik Suda i glavni tužitelj imaju pravo na troškove smještaja u visini propisanoj podzakonskim aktom iz stavka 1. ovog članka za rukovoditelja institucija Bosne i Hercegovine, a suci i tužitelji u visini predviđenoj za ostale rukovodeće državne službenike.
3. Suci i tužitelji imaju pravo na naknadu za odvojeni život pod uvjetom i u visini utvrđenoj podzakonskim aktom iz stavka 1. ovog članka za uposlene u institucijama Bosne i Hercegovine.”

Članak 2.

Iza članka 18. dodaje se novi članak 18a. koji glasi:

“Članak 18a.

Naknada za ishranu u tijeku rada i naknada troškova prijevoza

1. Suci i tužitelji, kao i stručno osoblje iz članka 17. ovog zakona imaju pravo na:
 - a) novčanu naknadu za ishranu u tijeku rada;
 - b) naknadu troškova prijevoza na posao i prijevoza s posla.
2. Pravo na naknade iz stavka 1. ovog članka suci, tužitelji i stručno osoblje iz članka 17. ovog zakona ostvaruju sukladno odgovarajućim odredbama Zakona o plaćama i naknadama u institucijama Bosne i Hercegovine, kao i podzakonskim aktima donesenim na temelju ovih odredbi.”

Članak 3.

Ovaj zakon stupa na snagu osmog dana od dana objavljivanja u „Službenom glasniku BiH“.

PSBiH broj ____/17
____ 2017. godine
S a r a j e v o

PREDSJEDATELJ
Zastupničkog doma
Parlamentarne skupštine BiH

PREDSJEDATELJ
Doma naroda
Parlamentarne skupštine BiH

O B R A Z L O Ž E N J E

I- USTAVNI TEMELJ

Ustavni temelj za donošenje Zakona o dopunama Zakona o plaćama i drugim naknadama u sudbenim i tužiteljskim institucijama na razini Bosne i Hercegovine sadržan je u članku IV 4. a) Ustava Bosne i Hercegovine, prema kojem je Parlamentarna skupština Bosne i Hercegovine mjerodavna za donošenje zakona koji su potrebni za provedbu odluka Predsjedništva Bosne i Hercegovine ili za vršenje funkcija Skupštine Bosne i Hercegovine po Ustavu i u članku II, prema kojem prava i slobode, pa time i „prava iz rada i po osnovu rada“ predviđeni u Europskoj konvenciji za zaštitu ljudskih prava i temeljnih sloboda i u njenim protokolima se izravno primjenjuju u Bosni i Hercegovini.

II-PRINCIPI

-zabrana diskriminacije u smislu odredbe članka 14. Konvencije i članka 1. Protokola broj 12. uz Konvenciju- „Ustavni sud BiH zaključuje da nepropisivanje navedenih naknada predstavlja zadiranje zakonodavne vlasti u princip neovisnosti pravosuđa, kao i da predstavlja diskriminaciju, te da sporni zakon nije proporcionalan cilju kojem se težilo prilikom njegovog donošenja.“

-ostvarivanje pojedinih prava iz rada i po osnovu rada, koja su predviđena općim propisima, trebaju biti osigurana i kategorijama zaposlenih na koje se primjenjuju posebni propisi i to tako da sve osobe u toj kategoriji zaposlenih, koja se nalaze u istoj situaciji, pravo ostvaruju na isti način;

- s aspekta njegove ekonomske i socijalne opravdanosti naknade nositelja pravosudnih funkcija trebaju biti uporedive s naknadama koje se isplaćuju na razini vlasti u okviru kojeg suci i tužitelji obavljaju svoju dužnost.

Dakle, prilikom izrade zakona rukovodilo se principom neophodnosti, izmjene su svedene na provedbu odluka Ustavnog suda Bosne i Hercegovine. Princip efektivnosti je također uzet u obzir jer je zakon u potpunosti primjenjiv i njime se rješavaju konkretni problemi na koje je ukazano donesenim presudama. Opterećenja koja zakon nameće Proračunu Bosne i Hercegovine, su opravdana i svrsishodna, te je time zadovoljen princip proporcionalnosti. Princip konzistentnosti je također uzet u obzir s obzirom da predviđene izmjene zakona izjednačavaju prava iz rada i po osnovu rada, a konzistentne su s temeljnim tekstom zakona, te zakona i podzakonskih akata na koje se Nacrt zakona poziva.

III- RAZLOZI ZA DONOŠENJE ZAKONA

Trenutačno važeći zakoni o plaćama sudaca i tužitelja doneseni su koncem 2005. godine od visokog predstavnika, i to kao set od četiri usuglašena zakona koji reguliraju pitanje plaća i naknada nositelja pravosudnih funkcija na svim razinama pravosuđa u Bosni i Hercegovini.

Zakonom o plaćama i drugim naknadama u sudbenim i tužiteljskim institucijama na razini Bosne i Hercegovine iz 2005. godine nisu predviđene naknade na ime troškova prijevoza, toplog obroka i odvojenog života. Zbog navedenog, Ustavni sud Bosne i Hercegovine donio je Odluku o dopustivosti i meritumu, broj: U-7/12, od 30.01.2013. godine, kojom se utvrđuje da Zakon o plaćama i drugim naknadama u sudbenim i tužiteljskim institucijama na razini BiH nije sukladan članku 1/2 Ustava Bosne i Hercegovine, jer ne sadrži odredbe u pogledu naknade troškova za ishranu tijekom rada, naknadu troškova prijevoza na posao i prijevoza s posla i naknadu za odvojeni život.

Također, Ustavni sud Bosne i Hercegovine donio je Odluku o dopustivosti i meritumu, broj: U-29/13, od 28.03.2014. godine, kojom se utvrđuje da Zakon o plaćama i drugim naknadama u sudbenim i tužiteljskim institucijama na razini BiH nije sukladan članku 1/2 Ustava Bosne i Hercegovine, jer ne sadrži odredbe u pogledu „naknade troškova smještaja tijekom rada“.

Ustavni sud Bosne i Hercegovine u presudama navodi da suci i tužitelji i određene kategorije stručnog osoblja u pravosudnim institucijama na razini Bosne i Hercegovine nemaju istovjetne naknade kao izabrani zvaničnici, državni službenici, namještenici i ostali zaposleni u zakonodavnoj i izvršnoj vlasti na razini Bosne i Hercegovine. Pitanje ovih naknada u institucijama Bosne i Hercegovine regulirano je Zakonom o plaćama i naknadama u institucijama Bosne i Hercegovine, te svi zaposleni uživaju sva pobrojana prava iz radnog odnosa. Suci i tužitelji i određene kategorije stručnog osoblja u pravosudnim institucijama na razini BiH jedina su kategorija zaposlenika koja nema ova prava, što predstavlja diskriminaciju koja se ne može opravdati.

Zbog navedenog, ovim zakonom uvode se vrste naknada za suce, tužitelje i određene kategorije stručnog osoblja u pravosudnim institucijama na razini Bosne i Hercegovine, koje su utvrđene Zakonom o plaćama i naknadama u institucijama Bosne i Hercegovine, a visina, način i postupak ostvarivanja prava vršit će se sukladno podzakonskim aktima donijetim na temelju citiranog zakona. Također, uvođenje naknade za odvojeni život i naknade troškova smještaja tijekom rada, te naknade troškova prijevoza na posao i s posla stimulirat će kandidate za pravosudne pozicije da apliciraju na pozicije izvan mjesta njihovog prebivališta, čime će se omogućiti postizanje adekvatne nacionalne zastupljenosti nositelja pravosudnih funkcija u Bosni i Hercegovini, odnosno efikasnije popunjavanje sistematizacije i imenovanje kvalitetnih kadrova. Također, na ovaj način bit će osigurano uživanje svih prava svim zaposlenim na državnoj razini, bez diskriminacije na bilo kojem temelju.

Nadalje, Vijeće ministara Bosne i Hercegovine na 103. sjednici održanoj 30.5. 2017. godine upoznalo se s Informacijom o postupcima po žalbama u svezi s naknadom štete za topli obrok, prijevoz, regres i odvojeni život sudaca i tužitelja Suda Bosne i Hercegovine i Tužiteljstva Bosne i Hercegovine koju je pripremio Pravobraniteljstvo Bosne i Hercegovine. Vijeće ministara zadužilo je Ministarstvo pravde da u što kraćem roku pripremi i Vijeću ministara dostavi novi nacrt zakona o izmjenama i dopunama Zakona o plaćama i drugim naknadama u sudbenim i tužiteljskim institucijama na razini Bosne i Hercegovine, koji će biti sačinjen sukladno presudama Ustavnog suda Bosne i Hercegovine.

Zbog navedenog, pristupilo se izradi Zakona o dopunama Zakona o plaćama i drugim naknadama u sudbenim i tužiteljskim institucijama na razini Bosne i Hercegovine.

IV- KONZULTACIJE

Provodeći odluke Ustavnog suda Bosne i Hercegovine broj: U-7/12, od 30.01.2013. godine i broj: U-29/13, od 28.03.2014. godine pripremljen je Nacrt zakona kojim se prava iz radnih odnosa reguliraju na jednoobrazan način, tako da uposleni u sudbenoj, zakonodavnoj i izvršnoj vlasti na razini BiH ostvaruju pravo na istu vrstu i visinu predmetnih naknada.

Na Nacrt zakona pribavljena su mišljenja: Ureda za zakonodavstvo, Ministarstva financija i trezora Bosne i Hercegovine, DEI-a, VSTV-a i Agencije za zaštitu osobnih podataka BiH, Ministarstva za ljudska prava i izbjeglice Bosne i Hercegovine, te su obavljene konzultacije sa zainteresiranom javnošću.

Također, u suradnji s VSTV-om Bosne i Hercegovine, izvršena je procjena dodatnih finansijskih sredstava potrebnih za provedbu ovog zakona.

V- FINACIJSKA SREDSTVA

Za provedbu ovog zakona potrebno je izdvojiti 1.004.894 KM na godišnjoj razini, a za procjenu potrebnih dodatnih finansijskih sredstava korištene su odredbe odlukâ Vijeća ministara kojim je reguliran način i postupak ostvarivanja ovih naknada za zaposlene u institucijama Bosne i Hercegovine.

Naknada za odvojeni život i troškove smještaja

Procjena naknada za odvojeni život VSTV BiH je radio na temelju okvirnih pretpostavki:

- sudac ili tužitelj bi mogao ostvariti pravo na naknadu za odvojeni život ukoliko je imenovan za obavljanje dužnosti u sudu ili tužiteljstvu koji se nalazi van njegovog mjesta prebivališta na udaljenosti preko 80 km,
- pretpostavljen je iznos naknade za odvojeni život od 300 KM,
- troškovi za smještaj prilikom odvojenog života su procijenjeni u iznosu od 400 KM.

Rezultati analize prikazani su u sljedećoj tabeli:

Broj zaposlenih sudaca i tužitelja koji ostvaruju pravo na naknadu (FBiH)	Broj zaposlenih sudaca i tužitelja koji ostvaruju pravo na naknadu (RS)	Naknada za odvojeni život	Troškovi smještaja	UKUPNO
15	9	300	400	230.425

Ukupni procijenjeni troškovi uvođenja naknade za odvojeni život od obitelji i naknade za smještaj prilikom odvojenog života sucima i tužiteljima bi iznosili 230.425 KM na godišnjoj razini, a procjenjuje se da bi pravo na naknadu ostvarilo 24 suca i tužitelja.

Naknada za troškove prijevoza na posao i s posla

Procjena je zasnovana na:

-broju zaposlenog osoblja koje bi ostvarilo pravo na ovu naknadu isključujući suce i tužitelje koji imaju pravo na naknadu za odvojeni život,
 -planirana je isplata naknade 11 mjeseci u godini,
 -procijenjeni prosječni iznos naknade od 53 KM.
 Ukupan iznos potreban za isplaćivanje ove naknade prema navedenim pretpostavkama iznosi **202.301 KM** na godišnjoj razini.

Naknada za prehranu za vrijeme rada

Procjena je zasnovana na:

- dnevnom iznosu toplog obroka od 6 KM
- navedeni iznos je planiran za 21 radni dan za 11 mjeseci.

Ukupan iznos potreban za isplaćivanje ove naknade prema navedenim pretpostavkama iznosi **572.167 KM** na godišnjoj razini.

Ukupno

Ukupno bi za sve navedene naknade uz pretpostavke koje je VSTV BiH koristio pri analizi bilo potrebno izdvojiti **1.004.894 KM** na godišnjoj razini.

	Naknade za odvojeni život i troškove smještaja i prijevoza	Naknada za topli obrok	Naknada za prijevoz	UKUPNO
NAKNADE	230.425	572.167	202.301	1.004.894




На основу члана 17. тачка 28. Закона о Високом судском и тужилачком савјету Босне и Херцеговине („Службени гласник Босне и Херцеговине”, бр. 25/04, 93/05, 48/07 и 15/08), разматрајући Нацрт закона о допунама Закона о платама и другим накнадама у судским и тужилачким институцијама на нивоу БиХ, достављен од стране Министарства правде Босне и Херцеговине, актом број 06-07-25-5324/17, Високи судски и тужилачки савјет Босне и Херцеговине је, на сједници одржаној 7.9 2017. године, дао сљедеће

**Мишљење
на Нацрт закона о допунама Закона о платама и другим накнадама
у судским и тужилачким институцијама на нивоу БиХ**

I Високи судски и тужилачки савјет БиХ (у даљњем тексту: Савјет) констатује да је материја садржана у предложеном тексту Нацрта закона о допунама Закона о платама и другим накнадама у судским и тужилачким институцијама на нивоу БиХ (у даљем тексту: Нацрт закона) од утицаја на правосуђе на нивоу Босне и Херцеговине, у смислу члана 17. тачка 28. Закона о Високом судском и тужилачком савјету БиХ, те стога даје мишљење како слиједи

II Имајући у виду разлоге за предлагање допуна Закона о платама и другим накнадама у судским и тужилачким институцијама на нивоу БиХ, као и досадашње ставове Савјета и сарадњу са Министарством правде БиХ, у вези са материјом предметне законодавне иницијативе, Савјет је сагласан са достављеним текстом Нацрта закона.

Број: 08-02-1-2492-2/2017
Датум: 7.9.2017. године



Достављено:

- Министарство правде Босне и Херцеговине;
- а/а.



Sektor za ljudska prava- Сектор за људска права

Broj:01-02-1-1957-3/16 I.T.
Sarajevo, 28.7.2017. godine

BOSNA I HERCEGOVINA
MINISTARSTVO PRAVDE
n/p g. Josipa Grubeše, ministra

BOSNA I HERCEGOVINA
MINISTARSTVO PRAVDE
SARAJEVO

PRIMLJENO			
Prilozak broj	1	07	2017
Prilozak broj	1	07	2017

PREDMET: Mišljenje na Nacrt zakona o dopunama Zakona o plaćama i drugim naknadama u sudbenim i tužiteljskim institucijama na razini Bosne i Hercegovine
- dostavlja se

VEZA: Vaš akt broj: 06-07-25-5324/17 od 16.6.2017.godine

Poštovani,

našim ranijim aktom broj:01-07-02-1-1957-2/16 I.T od 18.7.2016.godine dali smo mišljenje na Nacrt zakona o izmjenama i dopunama Zakona o plaćama i drugim naknadama u sudbenim i tužiteljskim institucijama na razini Bosne i Hercegovine, u kojem su zakonska rješenja obrazložena na isti način kao i zakonska rješenja predviđena Nacrtom zakona o dopunama Zakona o plaćama i drugim naknadama u sudbenim i tužiteljskim institucijama na razini Bosne i Hercegovine.

Naime, potreba donošenja predmetnog zakona obrazlaže se činjenicom da važećim Zakonom o plaćama i drugim naknadama u sudbenim i tužiteljskim institucijama na razini Bosne i Hercegovine iz 2005.godine, nisu predviđene naknade na ime troškova prijevoza, toplog obroka i odvojenog života čime su suci, tužitelji i određene kategorije stručnog osoblja u pravosudnim institucijama na razini Bosne i Hercegovine stavljeni u nepovoljniji položaj u odnosu na izabrane zvaničnike, državne službenike, namještenike i ostale zaposlene u zakonodavnoj i izvršnoj vlasti na razini Bosne i Hercegovine, koji u skladu sa Zakonom o plaćama i naknadama u institucijama Bosne i Hercegovine uživaju sva pobrojana prava iz radnoga odnosa.

Naprijed navedeno konstatirao je Ustavni sud Bosne i Hercegovine u svojoj odluci o dopustivosti i meritumu broj: U-7/12 od 30.1.2013.godine, navodeći da Zakon o plaćama i drugim naknadama u sudbenim i tužiteljskim institucijama na razini Bosne i Hercegovine nije u skladu s člankom 1/2 Ustava Bosne i Hercegovine, jer ne sadrži odredbe u pogledu naknade troškova za ishranu tijekom rada, naknadu troškova prijevoza na posao i prijevoza s posla i naknadu za odvojeni život.


Pored navedenog, Ustavni sud Bosne i Hercegovine je Odlukom o dopustivosti i meritumu broj: U-29/13 od 28.3.2014.godine, utvrdio da Zakon o plaćama i drugim naknadama u sudbenim i tužiteljskim institucijama na razini Bosne i Hercegovine nije u skladu s člankom 1/2 Ustava Bosne i Hercegovine, jer ne sadrži odredbe u pogledu naknade troškova smještaja tijekom rada.

U obrazloženju Nacrta zakona o dopunama Zakona o plaćama i drugim naknadama u sudbenim i tužiteljskim institucijama na razini Bosne i Hercegovine također se navodi da su suci, tužitelji i određene kategorije stručnog osoblja u pravosudnim institucijama na razini Bosne i Hercegovine jedina kategorija zaposlenika koja ne uživa navedena prava iz radnoga odnosa, što predstavlja diskriminaciju koja se ne može opravdati.

S obzirom da Ministarstvo za ljudska prava i izbjeglice Bosne i Hercegovine prati provedbu Zakona o zabrani diskriminacije („Službeni glasnik BiH“, broj 59/09), želimo naglasiti da se diskriminacijom u smislu ovoga Zakona smatra svako različito postupanje uključujući svako isključivanje, ograničavanje ili davanje prednosti utemeljeno na stvarnim ili pretpostavljenim osnovama prema bilo kojoj osobi ili skupini osoba na bilo kojoj osnovi, te da u smislu ovoga zakona svi zakoni i opći propisi u Bosni i Hercegovini trebaju biti usuglašeni s odredbama Zakona o zabrani diskriminacije.

Slijedom navedenog mišljenja smo da su Nacrtom zakona o dopunama Zakona o plaćama i drugim naknadama u sudbenim i tužiteljskim institucijama na razini Bosne i Hercegovine stvorene pretpostavke za otklanjanje diskriminacije sudaca i tužitelja u pogledu ostvarivanja njihovih prava u skladu s odlukama o dopustivosti i meritumu Ustavnog suda Bosne i Hercegovine i s tim u vezi dajemo pozitivno mišljenje.

S poštovanjem,

 **MINISTRICA**
Semiha Borovac
Semiha Borovac

Dostavljeno:

- ☒ naslovu
- u spis predmeta
- a/a

Način otpreme: kurir/fax



Broj: 03-1-02-1-644-2'17
Sarajevo: 06.07.2017. godine

BOSNA I HERCEGOVINA
MINISTARSTVO PRAVDE
Trg BiH br. 1
71000 Sarajevo

07-07-2017

PREDMET: Nacrt Zakona o dopunama Zakona o platama i drugim naknadama u
sudskim i tužilačkim institucijama na nivou Bosne i Hercegovine.
mišljenje – dostavlja se.

VEZA: Vaš akt broj: 06-07-25-5324/17 od 16.06.2017. godine

Agenciji za zaštitu ličnih podataka u Bosni i Hercegovini (u daljem tekstu, Agencija) je u prilogu akta broj i datum Veze, dostavljen na mišljenje Nacrt Zakona o dopunama Zakona o platama i drugim naknadama u sudskim i tužilačkim institucijama na nivou Bosne i Hercegovine. Agencija shodno članu 40. stav (1) tačka d) Zakona o zaštiti ličnih podataka („Sl. glasnik BiH“, broj: 49 06, 76/11 i 89/11) daje sljedeće:

MIŠLJENJE

Nakon izvršene analize Nacrta Zakona o dopunama Zakona o platama i drugim naknadama u sudskim i tužilačkim institucijama na nivou Bosne i Hercegovine, sa aspekta zaštite prava na privatnost i obrade ličnih podataka, Agencija nema primjedbi na isti.

S poštovanjem.






Broj: 03A-06-2-SR-870-2/17
Sarajevo: 28. juni 2017. godine

**BOSNA I HERCEGOVINA
MINISTARSTVO PRAVDE**

**Trg Bosne i Hercegovine 1
Sarajevo**



Predmet: Mišljenje o usklađenosti Nacrta zakona o dopunama Zakona o platama i drugim naknadama u sudskim i tužiteljskim institucijama na nivou BiH sa *acquis-em*


Veza: Vaš akt broj: 06-07-25-5324/17 od 16. juna 2017.

Na osnovu člana 18. Zakona o ministarstvima («Službeni glasnik BiH», broj 5/03, 42/03, 26/04, 42/04, 45/06, 88/07, 35/09, 103/09, 87/12, 6/13 i 19/16), i člana 6. Odluke o Direkciji za evropske integracije («Službeni glasnik BiH», broj 41/03), Direkcija za evropske integracije daje sljedeće:

M I Š L J E N J E

Nacrta zakona o dopunama Zakona o platama i drugim naknadama u sudskim i tužiteljskim institucijama na nivou BiH mijenja se Zakon o platama i drugim naknadama u sudskim i tužiteljskim institucijama na nivou BiH („Službeni glasnik BiH” br. 90/05 i 32/07) kojima se propisuju prava sudija i tužilaca na troškove smještaja i naknada za odvojeni život te naknada za ishranu u toku rada i naknada troškova prijevoza.

Analizom sekundarnih izvora prava Evropske unije utvrđeno je da materija koja se uređuje Nactom zakona nije regulisana pravno obavezujućim aktima Evropske unije, te za istu ne postoji obaveza usklađivanja zakonodavstva u skladu sa članom 70. Sporazuma o stabilizaciji i pridruživanju između Evropskih zajednica i njihovih država članica s jedne, i Bosne i Hercegovine, s druge strane („Službeni glasnik BiH – Međunarodni ugovori”, broj 10/08).



Dostavljeno:

1. Naslovu
2. a a



Broj: 03-02-1-546/17
Sarajevo, 29.6.2017.godine
(DG)

**BOSNA I HERCEGOVINA
MINISTARSTVO PRAVDE
SARAJEVO**

PREDMET: Mišljenje na Nacrt Zakona o dopunama Zakona o plaćama i drugim naknadama u sudbenim i tužiteljskim institucijama na razini Bosne i Hercegovine

Ured za zakonodavstvo Vijeća ministara Bosne i Hercegovine, razmotrio je **Nacrt Zakona o dopunama Zakona o plaćama i drugim naknadama u sudbenim i tužiteljskim institucijama na razini Bosne i Hercegovine** i na temelju članka 25. stavak 1. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), daje

MIŠLJENJE

Ustavni temelj za donošenje predmetnog Zakona sadržan je u članku IV 4. a), prema kojem je Parlamentarna skupština Bosne i Hercegovine nadležna za donošenje zakona potrebnih za provedbu odluka Predsjedništva ili za vršenje funkcija Parlamentarne skupštine prema Ustavu Bosne i Hercegovine.

Ustavni sud Bosne i Hercegovine donio je Odluku o dopustivosti i meritumu („Službeni glasnik BiH“, broj 17/13), kojom se utvrđuje da važeći Zakon o plaćama i drugim naknadama u sudbenim i tužiteljskim institucijama na razini Bosne i Hercegovine („Službeni glasnik BiH“, br. 90/05 i 32/07), nije sukladan odredbama članka 1/2. Ustava Bosne i Hercegovine, jer ne sadrži odredbe u pogledu naknade troškova za ishranu u toku rada, naknadu troškova prijevoza na posao i prijevoza s posla i naknadu za odvojeni život, kao i Odluku broj U-29/13 od 28.3.2014.godine, kojom se utvrđuje da važeći Zakon o plaćama i drugim naknadama u sudbenim i tužiteljskim institucijama na razini Bosne i Hercegovine („Službeni glasnik BiH“, br. 90/05 i 32/07), nije sukladan odredbama članka 1/2. Ustava Bosne i Hercegovine, jer ne sadrži odredbe u pogledu naknade troškova smještaja u toku rada.

Naime, Vijeće ministara Bosne i Hercegovine na 103. sjednici održanoj 30.5.2017.godine, upoznalo se s Informacijom o postupcima po žalbama u svezi s naknadom štete za topli obrok, prijevoz, regres i odvojeni život sudaca i tužitelja Suda Bosne i Hercegovine koju je pripremila Pravobraniteljstvo Bosne i Hercegovine. Stim u svezi, Vijeće ministara zadužilo je Ministarstvo pravde Bosne i Hercegovine da u što kraćem roku pripremi i Vijeću ministara dostavi novi nacrt Zakona o dopunama Zakona o plaćama i drugim naknadama u sudbenim i tužiteljskim institucijama na razini Bosne i Hercegovine („Službeni glasnik BiH“, br. 90/05 i 32/07), u pogledu naknada na ime troškova prijevoza, toplog obroka i odvojenog života, a sukladno presudama Ustavnog suda Bosne i Hercegovine.


Vijeće ministara Bosne i Hercegovine je na 90. sjednici održanoj 01. veljače 2017.godine, usvojilo Program rada Vijeća ministara Bosne i Hercegovine za 2017.godinu, gdje je između ostalog, predviđeno i usvajanje prijedloga Zakona o izmjenama i dopunama Zakona o plaćama i drugim naknadama u sudbenim i tužiteljskim institucijama na razini Bosne i Hercegovine.

U pogledu dostavljenog teksta Nacrta Zakona o dopunama Zakona o plaćama i drugim naknadama u sudbenim i tužiteljskim institucijama na razini Bosne i Hercegovine, Ured za zakonodavstvo nema primjedbi, osim što ukazuje da je potrebno pribaviti i mišljenje Ministarstva financija i trezora.

Dostaviti:

-Naslovu.

-a/a.





BOSNIA AND HERZEGOVINA
MINISTRY OF FINANCE
AND TREASURY

Broj: 08-02-1-5556-2/17
Sarajevo, 03.07.2017. godine

07-07-2017

BOSNA I HERCEGOVINA
MINISTARSTVO PRAVDE
SARAJEVO

**Predmet: Mišljenje na Nacrt zakona o dopunama Zakona, dostavlja se
(Veza: Vaš akt broj 06-07-25-5324/17 od 16.6.2017. godine)**

Ministarstvo finansija i trezora BiH primilo je akt, broj i datum navedeni u vezi, kojim zahtijevate mišljenje na Nacrt zakona o dopunama Zakona o plaćama i drugim naknadama u sudbenim i tužiteljskim institucijama na razini BiH.

Obradom dostavljenog nacrta predmetnog akta utvrdili smo sljedeće.


1. Nacrtom zakona o dopunama Zakona o plaćama i drugim naknadama u sudbenim i tužiteljskim institucijama na razini BiH utvrđuje se pravo sudija i tužilaca na naknadu za odvojeni život i troškove smještaja, kao i pravo sudija, tužilaca i ostalih zaposlenih u pravosudnim institucijama na razini BiH, na koje se primjenjuju odredbe predmetnog zakona, na naknadu troškova prevoza i naknadu za ishranu u toku rada. Pravo na predmetne naknade imenovani ostvaruju u skladu sa odgovarajućim odredbama Zakona o plaćama i naknadama u institucijama BiH („Službeni glasnik BiH“, br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16 i 94/16), kao i podzakonskim aktima donesenim na osnovu ovih odredbi.
2. Razlog za donošenje predmetnog zakona je provođenje odluka Ustavnog suda BiH i to: Odluka o dopustivosti i meritumu, broj U-7/12 od 30.01.2013. godine i Odluka o dopustivosti i meritumu, broj U-29/13 od 28.3.2014. godine, kojima je utvrđeno da Zakon o plaćama i drugim naknadama u sudbenim i tužiteljskim institucijama na razini BiH („Službeni glasnik BiH“, br. 90/05 i 32/07) nije u skladu sa odredbama članka 1/2 Ustava Bosne i Hercegovine i odredbama člana 11/4 Ustava Bosne i Hercegovine, u vezi sa člankom 14 Evropske konvencije o zaštiti ljudskih prava i osnovnih sloboda, člankom 1. Protokola broj 12 uz Evropsku konvenciju o zaštiti ljudskih prava i osnovnih sloboda, kao i člankom 26 Međunarodnog pakta o građanskim i političkim pravima, jer je diskriminatoran u odnosu na druge zakone kojima se reguliraju prava iz radnog odnosa na ime troškova prevoza, toplog obroka, odvojenog života i troškova smještaja u toku rada za zaposlene u institucijama BiH.

Konkretno, Zakonom nije propisano pravo sudije i tužioca na naknadu za odvojeni život i troškove smještaja, kao i pravo sudije, tužioca i ostalih zaposlenih u pravosudnim institucijama na razini BiH, na koje se primjenjuju odredbe predmetnog zakona, na naknadu troškova prevoza i naknadu za ishranu u toku rada, te se nalaže Parlamentarnoj skupštini BiH da izvrši odgovarajuće izmjene Zakona kako bi se svi zaposleni u institucijama BiH, bez obzira po kom zakonu ostvaruju prava iz radnog odnosa, bili u istom pravnom položaju.

3. Prema obrazloženjima finansijskog aspekta ovog Naerta zakona ukupno potrebna dodatna sredstva za provođenje istog na godišnjoj razini iznose 1.004.894,00 KM od čega za troškove smještaja i naknade za odvojeni život 230.425,00 KM za 24 sudca i tužitelja, za prevoz 202.301,00 KM, te za topli obrok 572.167,00 KM. S obzirom da se radi o značajnom iznosu finansijskih sredstava, potrebno je u Dokumentu okvirnog proračuna i proračunskom zahtjevu za 2018. godinu planirati sredstva za ove namjene.

Polazeći od formalno-pravnih pretpostavki i obveza koje institucije BiH moraju izvršiti radi izvršenja odluka Ustavnog suda BiH i to: Odluka o dopustivosti i meritumu, broj U-7/12 od 30.01.2013. godine i Odluka o dopustivosti i meritumu, broj U-29/13 od 28.3.2014. godine, Ministarstvo financija i trezora BiH podržava donošenje predloženog Zakona.

S poštovanjem,



MINISTAR
Boslav Bevanda



IZVJEŠTAJ O ODRŽANIM KONSULTACIJAMA SA ZAINTERESIRANOM JAVNOŠĆU

TEMA Zakon o dopunama Zakona o plaćama i naknadama u sudskim i tužilačkim institucijama na nivou Bosne i Hercegovine

IZJAVA O SVRSI Provodeći odluke Ustavnog suda Bosne i Hercegovine broj. U-7/12. od 30.01.2013. godine i broj U-29/13. od 28.03.2014. godine pripremljen je Nacrt zakona kojim se prava iz radnih odnosa regulišu na jednoobrazan način, tako da zaposleni u sudskoj, zakonodavnoj i izvršnoj vlasti na nivou BiH ostvaruju pravo na istu vrstu i visinu predmetnih naknada.

OPIS TIJEKA KONSULTACIJA

Metode konsultacija

Online konsultacije

Datum početka 21.6.2017

Datum kraja 6.7.2017

Statistika

Broj učesnika: 0

Broj komentara: 0

Broj prijedloga: 0

Broj prihvaćenih prijedloga: 0

ZAKLJUČAK:

Online konsultacije za Nacrt zakona o dopunama zakona o plaćama i drugim naknadama u sudskim i tužilačkim institucijama na nivou Bosne i Hercegovine, održane su u periodu od 21.06.2017. godine do 06.07.2017. godine. U spomenutom razdoblju nije zaprimljen niti jedan prijedlog, niti komentar od strane zainteresovane javnosti za izmjenu ili dopunu Nacrta zakona o dopunama zakona o plaćama i drugim naknadama u sudskim i tužilačkim institucijama na nivou Bosne i Hercegovine. Shodno tome, Ministarstvo pravde Bosne i Hercegovine predlaže da se Nacrt zakona o dopunama zakona o plaćama i drugim naknadama u sudskim i tužilačkim institucijama na nivou Bosne i Hercegovine u daljnu proceduru uputi u neizmjenjenom tekstu.

VODITELJ KONSULTACIJA

Asim Fazlić
Koordinator konsultacija

Goran Kučera

Sarajevo, dana 13.7.2017

Aneks

Prikupljeni prijedlozi i komentari na dokument iz online konsultacija

Prijedlozi i komentari na Članaka 1
Prijedlozi

Komentari.

Zbirni odgovor i obrazloženje na Članaka 1

Prijedlozi i komentari na Članaka 2
Prijedlozi

Komentari.

Zbirni odgovor i obrazloženje na Članaka 2

Prijedlozi i komentari na Članaka 3
Prijedlozi

Komentari.

Zbirni odgovor i obrazloženje na Članaka 3

Prikupljeni prijedlozi i komentari na priloge iz online konsultacija

**Prijedlozi i komentari na NACRT ZAKONA O DOPUNAMA ZAKONA O PLAĆAMA I DRUGIM
NAKNADAMA U SUDSKIM I TUŽILAČKIM INSTITUCIJAMA NA NIVOU BOSNE I HERCEGOVINE
1**

Prijedlozi

Komentari

**Zbirni odgovor i obrazloženje na NACRT ZAKONA O DOPUNAMA ZAKONA O PLAĆAMA I
DRUGIM NAKNADAMA U SUDSKIM I TUŽILAČKIM INSTITUCIJAMA NA NIVOU BOSNE I
HERCEGOVINE 1**

**ZAKON
O PLAĆAMA I DRUGIM NAKNADAMA U SUDSKIM I
TUŽILAČKIM INSTITUCIJAMA NA NIVOU BOSNE I
HERCEGOVINE . . .**

I. OPŠTE ODREDBE

**Član 1.
Okvir Zakona**

Ovim Zakonom utvrđuju se plaće, naknade i određena materijalna prava sudija i tužilaca i određenih kategorija stručnog osoblja u pravosudnim institucijama na nivou Bosne i Hercegovine.

**Član 2.¹
Osnovna mjesečna plaća sudija Ustavnog suda Bosne i Hercegovine**

Osnovna mjesečna plaća sudija iznosi:

- a) Za sudije Ustavnog Suda Bosne i Hercegovine: 4 200 KM.
b) Za predsjednika Ustavnog suda Bosne i Hercegovine: 4 800 KM.

**Član 3.
Osnovna mjesečna plaća sudija Suda Bosne i Hercegovine**

Osnovna mjesečna plaća sudija iznosi:

- a) Za sudije Suda Bosne i Hercegovine: 3.800 KM.
b) Za šefove odjeljenja Suda Bosne i Hercegovine: 4.000 KM.
c) Za predsjednike Suda Bosne i Hercegovine: 4.400 KM.

**Član 4.
Osnovna mjesečna plaća tužilaca Tužilaštva Bosne i Hercegovine**

Osnovna mjesečna plaća tužilaca iznosi:

- a) Za tužioce Tužilaštva Bosne i Hercegovine: 3.800 KM.
b) Za šefove odsjeka Tužilaštva Bosne i Hercegovine: 4.000 KM.
c) Za glavnog tužioca Tužilaštva Bosne i Hercegovine: 4.400 KM.

**Član 5.
Dodatak na radni staž**

¹ Ustavni sud BiH Odlukom broj: U-6/06, od 29.3.2008. godine ukinuo Zakon o plaćama i drugim naknadama u sudskim i tužilačkim institucijama na nivou BiH u dijelu koji se odnosi na Ustavni sud Bosne i Hercegovine.

Osnovna mjesečna plaća svakog sudije i tužioca iz člana ~~2-odnosno~~ 3. i 4. ovog Zakona povećava se za 0,5% za svaku punu godinu radnog staža, najviše do 40 godina.

Član 6.

Regulisanje osnovne mjesečne plaće

1. Plaće propisane članom ~~2-~~, 3. i 4. ovog Zakona neće se povećavati sve dok prosječna mjesečna neto plaća u Bosni i Hercegovini izračunata za kalendarsku godinu ne dostigne ili ne pređe iznos od 800 KM.

2. Počevši od godine koja uslijedi nakon godine u kojoj prosječna mjesečna neto plaća u Bosni i Hercegovini izračunata za kalendarsku godinu po prvi put dostigne ili pređe iznos od 800 KM, osnovna mjesečna plaća sudija i tužilaca propisana članom ~~2-odnosno~~ 3. i 4. će se godišnje korigovati za procenat povećanja prosječne mjesečne neto plaće u Bosni i Hercegovini.

3. Procenat povećanja iz stava 2. ovog člana izračunat će se tako što će se uporediti prosječna mjesečna neto plaća u Bosni i Hercegovini za kalendarsku godinu sa prosječnom mjesečnom neto plaćom u Bosni i Hercegovini iz prethodne kalendarske godine.

4. U slučaju da se u nekoj godini prosječna mjesečna neto plaća u Bosni i Hercegovini izračunata za kalendarsku godinu smanji, osnovna mjesečna plaća sudija i tužilaca ostaje ista i neće se ponovo povećavati sve dok prosječna mjesečna neto plaća u Bosni i Hercegovini izračunata za kalendarsku godinu ne dostigne najviši nivo od prvog povećanja plaća u skladu sa stavom 2. ovog člana. Nakon toga, plaće sudija i tužilaca se povećavaju u skladu sa stavom 2. ovog člana.

5. Prosječna mjesečna neto plaća je ona plaća koju objavi Agencija za statistiku Bosne i Hercegovine.

Član 7.

Radno vrijeme

1. Broj radnih sati za sudije i tužioce je 40 sati sedmično.

2. Ukoliko sudija odnosno tužilac radi pola radnog vremena, a u skladu sa posebnim zakonom ili propisima, osnovna mjesečna plaća iz člana ~~2-odnosno~~ 3. i 4. ovog Zakona, korigovaće se u skladu sa brojem odrađenih dana u odnosu prema broju redovnih radnih dana za taj mjesec.

Član 8.

Plaćeni godišnji odmor i odsustvo za zadovoljavanje vjerskih potreba

1. Sudije i tužioci imaju pravo na plaćeni godišnji odmor u trajanju od 30 radnih dana.
2. Pored prava na godišnji odmor definisanog u stavu 1. ovog člana, sudije i tužioci imaju pravo na dva plaćena i dva neplaćena dana odmora godišnje za zadovoljenje vjerskih potreba.
3. Svi sudije i tužioci imaju pravo na neto naknadu za godišnji odmor u iznosu od 50% osnovne mjesečne plaće iz ~~tačke a) člana 2~~ ovog Zakona.
4. Neto naknada za godišnji odmor iz stava 3. ovog člana plaća se kao dodatak na redovnu plaću u julu svake godine, bez obzira na to kada se uzima godišnji odmor.
5. Plaćeni godišnji odmor za svakog sudiju i tužioca bit će regulisan planom godišnjih odmora kojeg će odrediti predsjednik suda ili glavni tužilac na godišnjoj bazi u skladu sa propisima o unutrašnjem poslovanju Ustavnog suda Bosne i Hercegovine, Suda Bosne i Hercegovine odnosno Tužilaštva Bosne i Hercegovine.

Član 9.

Vanredno plaćeno odsustvo

Pored godišnjeg odmora i odsustva za zadovoljavanje vjerskih potreba regulisanog članom 8. ovog Zakona, sudije i tužioci imaju pravo na sedam plaćenih dana odmora u kalendarskoj godini kako slijedi:

- (i) U slučaju ženidbe/udaje: 5 dana;
- (ii) U slučaju smrti bliskog srodnika (supružnika, partnera, majke, oca, očuha, maćehe, djeteta, pastorka/pastorke, brata, sestre, polubrata, polusestre): 3 dana;
- (iii) U slučaju smrti manje bliskog srodnika (dede, bake ili bliskog srodnika bračnog druga ili partnera): 1 dan;
- (iv) U slučaju rođenja djeteta: 2 dana;
- (v) U slučaju selidbe iz stalnog prebivališta u drugo prebivalište: 1 dan.

Član 10.

Plaćeno odsustvo

1. Visoko sudsko i tužilačko vijeće može odlučiti da sudija odnosno tužilac nastavi primati svoju plaću tokom odsustva koje mu odobri Visoko sudsko i tužilačko vijeće u skladu sa članom 17. tačkom 13. Zakona o Visokom sudskom i tužilačkom vijeću Bosne i Hercegovine ("Službeni glasnik BiH", broj 25/04).
2. Visoko sudsko i tužilačko vijeće u saradnji sa Ministarstvom pravde Bosne i Hercegovine donosi propise u vezi sa okolnostima pod kojim sudija odnosno tužilac nastavlja primati plaću tokom odsustva definiranog u stavu 1. ovog člana.

Član 11.

Naknada prilikom odlaska u penziju

Sudije i tužioci imaju pravo na jednu osnovnu mjesečnu plaću kao naknadu prilikom odlaska u penziju, kao što je to propisano u članu ~~2. odnosno~~ 3. i 4. ovog Zakona.

Član 12.

Zdravstveno osiguranje i bolovanje

Sudije i tužioci imaju pravo na zdravstveno osiguranje i bolovanje u skladu sa važećim Zakonom o zdravstvenom osiguranju u Republici Srpskoj ili u Federaciji Bosne i Hercegovine, zavisno od stalne adrese prebivališta sudije ili tužioca.

Član 13.

Penzijsko i invalidsko osiguranje

Sudije i tužioci imaju pravo na penzijsko i invalidsko osiguranje u skladu sa važećim Zakonom o penzijskom i invalidskom osiguranju u Republici Srpskoj ili u Federaciji Bosne i Hercegovine, zavisno od stalne adrese prebivališta sudije ili tužioca.

Član 14.

Naknada za putne troškove

Visoko sudsko i tužilačko vijeće u saradnji sa Ministarstvom pravde Bosne i Hercegovine donosi propise u vezi sa okolnostima pod kojim sudija odnosno tužilac ima pravo na naknadu za putne troškove nastale tokom obavljanja službenih dužnosti (dnevnice, prevoz i smještaj) i iznosu te naknade. Za Ustavni sud Bosne i Hercegovine te propise donosi Ustavni sud Bosne i Hercegovine u saradnji sa Ministarstvom pravde Bosne i Hercegovine.

Član 15.

Naknada za troškove edukacije

Sudije i tužioci imaju pravo na naknadu za troškove nastale u toku edukacije u skladu sa propisima o unutrašnjem poslovanju Ustavnog suda Bosne i Hercegovine, Suda Bosne i Hercegovine odnosno Tužilaštva Bosne i Hercegovine.

Član 16.

Naknada za upućivanje u drugi sud sa ili bez pristanka sudije

U slučaju upućivanja sudije da vrši dužnost sudije u drugom sudu u skladu sa članom 50. ili 51. Zakona o visokom sudskom i tužilačkom vijeću, taj sudija ima pravo na naknadu za troškove u skladu sa odredbama koje donese Visoko sudsko i tužilačko vijeće u saradnji sa Ministarstvom pravde Bosne i Hercegovine.

III. PLAĆE, NAKNADE I DRUGA MATERIJALNA PRAVA ZA ODREĐENE KATEGORIJE STRUČNOG OSOBLJA

Član 17.

Osnovna mjesečna plaća

Osnovna mjesečna plaća sljedećeg stručnog osoblja iznosi:

- a) Za generalnog sekretara Ustavnog suda Bosne i Hercegovine i direktora Sekretarijata Visokog sudskog i tužilačkog vijeća Bosne i Hercegovine: 3.800 KM.
- b) Za registrara Ustavnog suda Bosne i Hercegovine, registrara Suda Bosne i Hercegovine i zamjenika direktora Sekretarijata Visokog sudskog i tužilačkog vijeća Bosne i Hercegovine: 3.400 KM.
- c) Za generalnog sekretara Suda Bosne i Hercegovine i sekretara Tužilaštva Bosne i Hercegovine, te disciplinskog tužioca Sekretarijata Visokog sudskog i tužilačkog vijeća Bosne i Hercegovine: 3.000 KM
- d) Za šefove odjela Ustavnog suda Bosne i Hercegovine: 2.800 KM.
- e) Za više pravne savjetnike Ustavnog suda Bosne i Hercegovine, šefove odjela i više pravne savjetnike Sekretarijata Visokog sudskog i tužilačkog vijeća Bosne i Hercegovine: od 2.400 do 2.600 KM.
- f) Za pravne savjetnike Ustavnog suda Bosne i Hercegovine, pomoćnika generalnog sekretara Suda Bosne i Hercegovine, pravne savjetnike Suda Bosne i Hercegovine i pravne savjetnike i zamjenike šefova odjela Visokog sudskog i tužilačkog vijeća Bosne i Hercegovine: od 1.900 do 2.400 KM.
- g) Za stručne saradnike Ustavnog suda Bosne i Hercegovine, stručne saradnike i sekretare odjeljenja Suda Bosne i Hercegovine, stručne saradnike/pomoćnike tužilaca u Tužilaštvu Bosne i Hercegovine, pravnike/stručno osoblje Sekretarijata Visokog sudskog i tužilačkog vijeća Bosne i Hercegovine: od 1.200 do 1.800 KM:

2. Kriteriji za utvrđivanje plaća u rasponima propisanim u stavu 1 (e), 1(f) i 1(g) ovog člana uređuju se internim propisima institucija.

2. Visoko sudsko i tužilačko vijeće Bosne i Hercegovine donosi jedinstvenu metodologiju i na osnovu iste utvrđuje kategoriju stručnog osoblja iz stava 1. tač. e), f) i g) ovog člana za svako pojedinačno radno mjesto u pravosudnim institucijama na nivou Bosne i Hercegovine.

Član 18.

Druge naknade i materijalna prava

1. Članovi 5. do 7., član 8. stavovi 2., 4., i 5., član 9. i članovi 11. do 15. ovog Zakona primjenjuju se na sve kategorije osoblja iz člana 17. ovog Zakona.

2. Kategorije osoblja iz stavova 1(a) do 1(e) člana 17. ovog Zakona imaju pravo na 30 dana plaćenog godišnjeg odmora.

3. Kategorije osoblja iz stavova 1(f) i 1(g) člana 17. ovog Zakona imaju pravo na 25 dana plaćenog godišnjeg odmora.

4. Sve kategorije osoblja iz člana 17. imaju pravo na neto naknadu za godišnji odmor u iznosu od 50% od njihove osnovne mjesečne plaće utvrđene u članu 17 .

IV. ZAVRŠNE ODREDBE

Član 19.

Stavljanje odredbi van snage

Odredbe sadržane u drugim zakonima, propisima ili odlukama na nivou Bosne i Hercegovine koje su u suprotnosti s odredbama ovog Zakona prestaju da važe danom stupanja na snagu ovog Zakona.

Član 20.

Objavljivanje i stupanje na snagu

Ovaj Zakon stupa na snagu 1. januara 2006. godine.